

UGOVOR
O POKLONU SISTEMA NAPLATE ULAZNICA HISTORIJSKOM MUZEJU
BIH, NABAVLJENOG U OKVIRU PROJEKTA „IVA” FINANSIRANOG IZ
UNESCO FONDA

1. GRAD SARAJEVO, Hamdije Kreševljakovića broj 3, Sarajevo, kojeg zastupa gradonačelnik Predrag Puharić (u daljnjem tekstu: Poklonodavac),
i
2. Historijski muzej BiH, ulica Zmaja od Bosne 5, kojeg zastupa direktorica Elma Hašimbegović, (u daljnjem tekstu: Poklonoprimac).

Član 1.

Poklonodavac je vlasnik sistema naplate ulaznica kojeg čine jedan (1) printer, jedan (1) program za izradu, štampu i evidenciju ulaznica i mobilni terminal, te četiri (4) etikete termo kartonske, kao izraz prijateljstva i dobre saradnje, bez ikakve naknade ili tereta, poklanja Poklonoprimcu, u skladu s Odlukom o davanju saglasnosti gradonačelniku Grada Sarajeva za poklanjanje sistema naplate ulaznica Historijskom muzeju BiH, u okviru projekta „IVA”, finansiranog iz UNESCO fonda („Službene novine Kantona Sarajevo“, broj 02/25).

Član 2.

Poklonoprimac prihvata predmet ugovora iz člana 1. ovog Ugovora i saglasan je da od Poklonodavca primi sistem naplate ulaznica u vlasništvo po osnovu poklona. O izvršenoj primopredaji će biti sastavljen poseban zapisnik.

Član 3.

Ukupna nabavna vrijednost sistema naplate ulaznica koji je predmet poklona iz člana 2. ovog ugovora iznosi 2.495,03 KM.

Član 4.

Poklonodavac je saglasan da se Poklonoprimac može upisati kao vlasnik sistema naplate ulaznica iz člana 1. ovog ugovora u registar kod nadležnog organa, bez njegovog naknadnog prisustva i naknadne saglasnosti.

Član 5.

Eventualne troškove u vezi zaključenja ovog ugovora i prijenosa prava vlasništva nad sistemom naplate ulaznica snosi Poklonoprimac.

Član 6.

Predmetni Ugovor je izraz slobodne volje ugovornih strana, sačinjen bez prevare, prinude, prijetnje i zablude, pa ga kao takvog, ugovorne strane saglasno potpisuju.

Član 7.

Na odnose između ugovornih strana koji nisu regulirani ovim ugovorom primjenjuju se odredbe Zakona o obligacionim odnosima.

Član 8.

U slučaju spora po ovom ugovoru, ugovorne strane će nastojati isti sporazumno riješiti, u protivnom saglasne su da prihvataju nadležnost suda u Sarajevu.

Član 9.

Ovaj ugovor stupa na snagu danom potpisa obje ugovorne strane.

Član 10.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava 2 (dva) primjerka ugovora.

Poklonodavac

Grad Sarajevo
Gradonačelnik

Predrag Puharić

Broj:
Sarajevo,

Poklonoprimac

Historijski muzej BiH
direktorica

Elma Hašimbegović

Broj:
Sarajevo,



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
PRAVOBRANILAŠTVO

Broj: 01-08-M-10/25
Sarajevo, 28.01.2025. godine

GRAD SARAJEVO
Gradska služba za održivi razvoj

PREDMET: Mišljenje na prijedlog Odluke o davanju saglasnosti gradonačelniku Grada Sarajevo za poklanjanje sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda
Veza – Vaš akt broj: 13-04-528/25 od 28.01.2025. godine

Shodno odredbama člana 14. i 15. Zakona o pravobranilaštvu („Službene novine Kantona Sarajevo“, broj: 33/08-novi Prečišćeni tekst, 7/12 i 44/16), te odredbama člana 11. i 12. Odluke o osnivanju Pravobranilaštva Grada Sarajeva („Službene novine Kantona Sarajevo“, broj: 20/10, 30/15, 12/17 i 41/21, 47/24) Pravobranilaštvo Grada Sarajeva je razmatralo sadržaj dostavljenog Prijedloga Odluke o davanju saglasnosti gradonačelniku Grada Sarajevo za poklanjanje sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda.

Također Pravobranilaštvo Grada Sarajeva je razmatralo sadržaj Prijedloga Ugovora o poklonu sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda koji bi trebao biti zaključen između Grada Sarajevo i Historijskog muzeja BiH.

Prilikom analize dostavljene dokumentacije i dostavljenog zahtjeva, izvršen je uvid u slijedeće:

- 1) Akt Službe za održivi razvoj Grada Sarajevo – Zahtjev za dostavljanje Mišljenja br. 13-04-528/25 od 28.01.2025. g.
- 2) Prijedlog Odluke o davanju saglasnosti gradonačelniku Grada Sarajevo za poklanjanje sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda.
- 3) Prijedlog Ugovora o poklonu sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda

Nakon izvršenog uvida u priloženu dokumentaciju, Pravobranilaštvo Grada Sarajeva postupajući na osnovu ovlaštenja definisanih odredbama Zakona o pravobranilaštvu i Odluke o osnivanju Pravobranilaštva Grada Sarajeva sukladno Vašem zahtjevu, daje slijedeće:

M I Š L J E N J E

1) Prijedlog Odluke o davanju saglasnosti gradonačelniku Grada Sarajevo za poklanjanje sistema naplate ulaznica Historijskom muzeju BiH, u okviru projekta „IVA“ finansiranog iz UNESCO fonda je sa odredbama Statuta Grada Sarajeva i Zakona o stvarnim pravima, stoga nema smetnji da Gradsko vijeće Grada Sarajeva usvoji predmetnu Odluku u predloženom sadržaju, budući da je odredbama Statuta Grada Sarajeva kao nadležnost Gradskog vijeća Grada Sarajevo propisano „*upravljanje i raspolaganje imovinom Grada Sarajeva*“.

Adresa: Hamdije Kreševljakovića 3
71 000 Sarajevo
Tel.: +387 33 206 440
Fax: +387 33 206 440
Email: pravobranilastvo@sarajevo.ba
Web: www.sarajevo.ba



2) U pogledu prijedloga Ugovora o poklonu sistema naplate ulaznica Histgorijskom muzeju BiH, u okviru projekta „IVA“ finansiranog iz UNESCO fonda, a postupajući na osnovu ovlaštenja iz Zakona o pravobranilaštvu, ukazujemo da novčani iznos iz prijedloga predmeta Ugovora ne prelazi 10.000,00 KM stoga nije obavezno pribavljanje pravnog mišljenja Pravobranilaštva.

DOSTAVITI:

- Naslovu,
- U spis,
- Stručna služba za poslove kabineta i poslove gradske uprave
(Veza – Vaš zahtjev br. 01/13-04-157-1/25 od 28.01.2025. g.)

PRAVOBRANILAC GRADA SARAJEVO



Admir Jusufbegović